



D^a. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

CERTIFICO: Que a Xunta de Goberno Local, na **sesión ordinaria do 9 de maio de 2019**, adoptou o seguinte acordo:

29.- APROBACIÓN INICIAL DO DOCUMENTO DE DELIMITACIÓN DA REDE SECUNDARIA DE FAIXAS DE XESTIÓN DA BIOMASA DO CONCELLO DE VIGO. EXPTE. 104/105.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Examinadas as actuacións do expediente, dáse conta do informe-proposta de data 08/05/19, asinado pola arquitecta da Oficina de Planeamento e Xestión da Xerencia municipal de Urbanismo, o xefe da Área de Servizos Xerais, a xefa do Departamento Administrativo de Alcaldía, o xefe do Servizo de Medio Ambiente Sanidade e Consumo, e polo concelleiro delegado de Parques Xardíns, que di o seguinte:

1- ANTECEDENTES

En sesión extraordinaria e urxente de data 11 de outubro de 2018, a Xunta de Goberno Local acordou impulsar o procedemento para a elaboración do Plan municipal de prevención e defensa contra os incendios forestais (en adiante, PMPDIF), a cuxos efectos se constituíu unha Comisión Técnica de Seguimento do Plan, ó tempo que se designaba responsable da dirección e coordinación do proceso de elaboración e aprobación deste ó concelleiro delegado da Área de Parques, Xardíns, Comercio, Participación Cidadá e Distritos (expte. 104/105).

Con data 11/03/19, o concelleiro delegado da Área de Parques, Xardíns, Comercio, Participación Cidadá e Distritos, resolveu adjudicar o contrato menor de servizos para a redacción do PMPDIF a favor da entidade Cartoplan Atlántico, S.L. (expte. 11861/446).

Con data de entrada no Rexistro Electrónico deste Concello do 7 de maio de 2019, a adjudicataria achegou o "Documento de delimitación da rede secundaria de faixas de xestión da biomasa" (doc. 190066631).

2- ANÁLISE DO DOCUMENTO.

O documento foi redactado pola enxeñeira de montes, María Carmen Martínez Santorio, e polo enxeñeiro agrónomo, José Antonio González Ferreira, da entidade Cartoplan Atlántico, S.L., e asinado electrónicamente en data 06/05/2019.

	Copia do documento - Concello de Vigo	Data impresión: 28/05/2019 10:22	Páxina 1 de 10
	EXPEDIENTE 104_105	CSV: 2AE6CD-B9B85C-B9C3C2-FDENG M-EUBBJ7-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

2.1- Contido do documento

O contido do documento obxecto deste informe proposta é o seguinte:

I).- MEMORIA XUSTIFICATIVA.

1.- ANTECEDENTES E XUSTIFICACIÓN.

2.- OBXECTIVOS.

3.- ÁMBITO TERRITORIAL .

4.- DESCRICIÓN DO ÁMBITO FORESTAL.

4.1.- Recursos forestais.

4.2.- Definición do Monte.

5.- PLANEAMENTO URBANÍSTICO MUNICIPAL.

6.- XESTIÓN DA BIOMASA.

7.- REDES DE FAIXAS DE XESTIÓN DE BIOMASA.

7.1.-Definición e Tipos.

7.2.- Redes Secundarias de Faixas de Xestión de Biomasa.

7.3.- Delimitación das Redes Secundarias de Faixas de Xestión de Biomasa .

II).- PLANOS

Plano no 1: Localización. (A1 . 1:30.000; A3 1:60.000). (1 folia)

Plano no 2: Planeamento (PGOU 93). (A1 . 1:30.000; A3 1:60.000). (1 folia)

Plano no 3: Delimitación do Monte e Área de Influencia. (A1 . 1:30.000; A3 1:60.000).

(1 folia)

Plano no 4: Rede Secundaria de Faixas de Xestión da Biomasa. (A1 1:1.000; A3 1:2000).

(267 follas onde existe rede secundaria de faixas de xestión, das 371 follas que compoñen a totalidade do termo municipal)

III).- ANEXOS

ANEXO I.– RELACIÓN DE PARCELAS CATASTRAIS INCLUÍDAS NA REDE SECUNDARIA DE FAIXAS DE XESTIÓN DA BIOMASAS.

2.2.- Valoración dos aspectos técnicos do documento

En relación coa delimitación do monte e a súa zona de influencia

O documento reflicte a delimitación do monte ou terreos forestais do municipio de Vigo atendendo ó inventario nacional forestal, clasificación de montes veciñais en man común e o que resulta da aplicación da definición de monte da Lei 3/2007, de 9 de abril, de prevención e defensa contra os



Copia do documento - Concello de Vigo

Data impresión: 28/05/2019 10:22

Páxina 2 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



incendios forestais de Galicia (en adiante, LPDIFG), Lei 43/2003, de montes e a Lei 7/2012, de 28 de xuño, de montes de Galicia.

Por outra banda, o documento, tamén, reflicte a zona de influencia forestal axustada á lexislación en materia de incendios forestais.

En relación coa clasificación urbanística e os núcleos de poboación

A delimitación da rede de faixas secundarias, onde é obrigatorio a xestión da biomasa forestal, ten como obxectivo evitar o crecente risco de incendio no interface urbano-forestal (a zona de influencia forestal segundo LPDIFG). Deste xeito establécense, neste conxunto de parcelas lineais do territorio, as medidas necesarias para controlar e garantir a eliminación da biomasa forestal de alto valor combustible co obxectivo de diminuír o risco de incendio que poida afectar aos núcleos de poboación.

Segundo o artigo 2.1 da LPDIFG, non terán a consideración de monte ou terreo forestal o solo urbano, o de núcleo rural e o urbanizable. A zona de influencia forestal (art. 2.13 da LPDIFG) está constituída por unha franxa de 400 metros lindeira aos terreos forestais, excluindo o solo urbano, de núcleo rural e o urbanizable.

Tal e como establece o artigo 21 da LPDIFG, nos espazos definidos como redes secundarias de xestión da biomasa, os suxeitos responsables deben xestionar a biomasa vexetal nunha franxa perimetral de 50 metros dende o límite do solo urbano, de núcleo rural e urbanizable. Todo isto sen prexuízo do disposto na disposición transitoria quinta da dita lei, xa que a xestión da biomasa non resulta preceptiva no entorno do solo urbanizable hasta que este se atope desenvolvido mediante o seu correspondente plan parcial e se aprobe definitivamente o seu proxecto de urbanización.

A teor do anteriormente exposto, resulta necesario delimitar o solo urbano, de núcleo rural e o urbanizable, é dicir, o conxunto dos terreos que forman os núcleos de poboación do municipio. Xa que logo, atenderemos á clasificación urbanística do solo que se establece no plan xeral vixente no Concello de Vigo.

O planeamento vixente no Concello de Vigo é o Plan Xeral de Ordenación Urbana de Vigo, aprobado definitivamente por acordo do Consello da Xunta de Galicia de 29.04.1993 (a súa aprobación definitiva foi publicada no DOG nº 87 o día 10/05/1993 e a súa normativa foi publicada no B.O.P. nº 133, o 14 de xullo de 1993). Trátase en realidade do denominado *Expediente de subsanación de deficiencias na adaptación do PXOU de Vigo de 1988 á LASGA* (Lei 11/85, de 22 de agosto de adaptación do solo a Galicia).

É dicir, o PXOU 1993 foi redactado no marco da LASGA (Lei 11/85), e non se adecúa á lexislación urbanística vixente (Lei 2/2016, do 10 de febreiro do solo de Galicia (LSG) e o seu Regulamento de desenvolvemento (RLSG)); polo tanto, a súa clasificación urbanística non se axusta ás clases de solo vixentes na actualidade.

O plan xeral vixente ten a consideración de instrumento de planeamento aprobado definitivamente con anterioridade á entrada en vigor da LSG e non adaptado á LOUGA (Lei 9/2002), porén, na actualidade, conserva a súa vixencia consonte ás regras establecidas na Disposición transitoria primeira, apartado 2, da LSG:

"a) Ao solo urbano que reúna as condicións establecidas no artigo 17.a) desta lei, aplicaráselle o disposto nela para o solo urbano consolidado. Ao solo urbano que reúna as



Copia do documento - Concello de Vigo

Data impresión: 28/05/2019 10:22

Páxina 3 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

condicións establecidas no artigo 17.b) desta lei, aplicaráselle o disposto nela para o solo urbano non consolidado.

b) Ao solo urbanizable delimitado, aplicaráselle o disposto nesta lei para o solo urbanizable.

Ao solo urbanizable non delimitado, apto para urbanizar ou rústico apto para o desenvolvemento urbanístico, aplicaráselle o disposto nesta lei para o solo rústico.

Malia o anterior, ao solo urbanizable delimitado, non delimitado, apto para urbanizar ou rústico apto para o desenvolvemento urbanístico con planeamento de desenvolvemento aprobado inicialmente antes da entrada en vigor desta lei, aplicaráselle o réxime do solo urbanizable previsto nela.

Así mesmo, ao solo urbanizable delimitado, non delimitado, apto para urbanizar ou rústico apto para o desenvolvemento urbanístico con planeamento de desenvolvemento aprobado definitivamente antes da entrada en vigor desta lei, aplicaráselle integramente o disposto no planeamento respectivo.

c) Ao solo incluído no ámbito dos núcleos rurais ou nas delimitacións de solo non urbanizable de núcleo rural, nas súas áreas de influencia ou tolerancia, aplicaráselle integramente o disposto no planeamento respectivo, agás no que se refire ás edificacións tradicionais existentes, ás que será aplicable o previsto no artigo 40 desta lei.

d) Ao solo non urbanizable ou solo rústico, aplicaráselle o disposto nesta lei para o solo rústico”.

Segundo a dita Disposición Transitoria, establécense as seguintes equivalencias entre as clases de solo vixentes na actualidade e as que establece o planeamento municipal:

- O solo urbano correspóndese co solo urbano (SU) do PXOU 1993, a excepción do solo urbano incluído nas delimitacións de núcleos rurais existentes de recente formación e os tradicionais.
- O solo de núcleo rural, que non existe como tal no PXOU 1993, correspóndese coas delimitacións de núcleo rural existente de recente formación e tradicionais (tanto as delimitacións en solo urbano (SU) como as de solo non urbanizable (SNU)).
- O solo urbanizable correspóndese co solo urbanizable programado (SUP) no PXOU 1993, así como o solo urbanizable non programado (SUNP) con planeamento de desenvolvemento aprobado. Dentro deste último caso atópanse o polígono residencial de Navia, o parque comercial de Gandariña ou a Cidade Universitaria.
- O solo rústico correspóndese co solo non urbanizable e co solo urbanizable non programado sen planeamento de desenvolvemento aprobado.

Estas equivalencias vense reflectidas na delimitación do solo urbano, de núcleo rural e urbanizable da documentación da rede de faixas secundarias de xestión da biomasa.

Na rede de faixas secundarias de xestión é obrigatorio xestionar a biomasa dentro da zona de influencia de 400 metros, e nunha franxa perimetral de 50 metros arredor das edificacións destinadas ás persoas, as vivendas illadas, urbanizacións, vertedoiros, cámpings, gasoleiras e instalacións industriais (artigo 21.b da LPDIFG).



Copia do documento - Concello de Vigo

Data impresión: 28/05/2019 10:22

Páxina 4 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



O fenómeno da *periurbanización*, é dicir, a expansión da cidade cara ás parroquias periféricas, caracteriza o municipio de Vigo. Xa que logo, no termo municipal a zona de influencia situada a menos de 400 metros do monte, e fóra do solo urbano, de núcleo rural e urbanizable -o interface urbano-forestal-, está fortemente antropizada.

Isto supón que na rede de faixas secundarias, para as obrigas derivadas do artigo 21.b da LPDIFG, se considere unha superficie bastante elevada desta zona de influencia – o que se reflicte no documento de delimitación da rede secundaria de faixas de xestión da biomasa -, xa que nela atópanse unha gran cantidade de edificacións, na súa maioría destinadas ás persoas, que constitúen case núcleos de poboación contiguos ao solo urbano, de núcleo rural e urbanizable.

En relación coas vivendas illadas

A antedita periurbanización do territorio no termo municipal, ponse de manifesto pola escasa presenza de vivendas illadas situadas a mais de 400 metros do monte en solo rústico. Malia o anterior, consideráronse unhas edificacións illadas destinadas a persoas nas parroquias periféricas e situadas a mais de 80 metros do núcleo de poboación mais cercano, o cal se pode ver reflectido na rede de faixas.

En relación coa superficie incluída na delimitación da rede secundaria

O resultado da intersección da rede secundaria de faixas de xestión e o parcelario catastral, resúmese en:

Número de parcelas incluídas na rede secundaria de faixas de xestión:

Total parcelas incluídas	34.083
Parcelas Rústicas	31.156
Parcelas Urbanas	2.927

Superficie de parcelas incluídas na rede secundaria de faixas de xestión:

Total superficie incluída	1.988,72 Ha.
Superficie Parcelas Rústicas	1.816,60 Ha.
Superficie Parcelas Urbanas	172,72 Ha.

Por todo o exposto, o documento define graficamente a delimitación concreta da rede secundaria de faixas de xestión da biomasa forestal que constitúe o conxunto de parcelas lineais do municipio



estratexicamente situadas para evitar o risco de incendios que poidan afectar ós núcleos de poboación conforme á citada LPDIFG.

3.- FUNDAMENTOS DE DEREITO

3.1.- Competencia municipal.-

Entre a competencias que o art. 7 da Lei 3/2007, de 9 de abril, de prevención e defensa contra os incendios forestais de Galicia (LPDIFG) atribúe ás entidades locais, está a elaboración e aprobación do Plan municipal de prevención e defensa contra os incendios forestais (PMPDIF), consonte ó previsto nas lexislacións galegas de prevención e extinción de incendios e de montes e cuxa elaboración, execución e actualización ten carácter de obriga (art. 16.4 LPDIFG).

O art. 26 da Lei 7/1985, de 2 de abril, reguladora das Bases de Réxime Local, establece como servizo mínimo de prestación obrigatoria nos concellos con poboación superior a 20.000 habitantes a prevención de incendios.

3.2. O Plan municipal de prevención e defensa contra incendios forestais.

Este planeamento configúrase como un plan especial para facer fronte ás emerxencias derivadas dos riscos dos incendios forestais e que, no nivel municipal, integrará nos plans de emerxencia municipais as actuacións de prevención e defensa contra os incendios forestais do municipio (art. 13 LPDIFG).

De conformidade co art. 16 da LPDIFG, a estrutura do plan municipal de prevención e defensa contra os incendios forestais debe ser a establecida mediante orde da consellería competente en materia forestal -a día de hoxe non foi ditada a referida orde- e seguindo as directrices fixadas na normativa en materia de emerxencias. Incluirá, al menos, as pistas, vías, camiños, estradas e montes de titularidade municipal, a definición das redes de faixas secundarias, así como, a análise da propiedade destas redes de faixas.

Este planeamento pode incluír ordenanzas de prevención de incendios concordantes co obxecto da lei en solo urbano, núcleo rural e urbanizable situado a menos de 400 metros do monte.

O documento obxecto deste informe é a “Delimitación das redes secundarias de faixas de xestión de biomasa do Concello de Vigo” e que formará parte do PMPDCIF.

3.3.- Rede secundaria de faixas de xestión da biomasa.-

Neste contexto, revisten especial importancia as redes de faixas de xestión da biomasa, que a Lei define como “o conxunto de parcelas lineais do territorio estratexicamente situadas, onde se garante o control e eliminación total ou parcial da biomasa forestal, mediante técnicas silvícolas



Copia do documento - Concello de Vigo

Data impresión: 28/05/2019 10:22

Páxina 6 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



idóneas, co obxectivo principal de reducir o risco de incendios” (art. 2.15 LPDIFG), polo tanto, instrumento fundamental en materia de prevención e defensa contra incendios forestais.

A xestión da biomasa que existe nos terreos forestais e zonas de influencia forestal realízase a través destas faixas, que o art. 20 da referida Lei divide en primarias, secundarias e terciarias. Correspóndelle ás entidades locais a xestión das redes secundarias de faixas de xestión de biomasa (art. 7.e da LPDIFG), ás que a Lei lle atribúe como función prioritaria a “*protección dos núcleos poboacionais, as infraestruturas, os equipamentos sociais, as zonas edificadas, os parques e os polígonos industriais*”, así como, as faixas laterais de redes viarias da súa titularidade.

As referidas redes de faixas secundarias, cuxa xestión é de competencia municipal, deben quedar definidas no planeamento municipal de prevención e defensa contra os incendios forestais (art. 16.2 LPDIFG).

3.4.- Procedemento aprobación.-

Polo que respecta ó procedemento de elaboración e aprobación do Plan, a única previsión legal ao respecto é que a súa aprobación debe ir precedida de informe preceptivo e vinculante da dirección xeral competente en materia forestal. Polo que, sen prexuízo desta especialidade, este procedemento tramitarase con suxeición á Lei 39/2015, de 1 de outubro, de procedemento administrativo común das Administracións Públicas (LPACAP), así como, a Lei 40/2015, de 1 de outubro, de réxime xurídico do Sector Público (LRXSP).

Examinadas as diversas normas de protección ambiental, Lei 21/2013, de 9 de decembro, de avaliación ambiental, Real decreto lexislativo 1/2016, de 16 de decembro, polo que se aproba o texto refundido da Lei de prevención e control integrados da contaminación, o documento obxecto deste informe e o PMPDIF en redacción non están suxeitos nin a avaliación ambiental estratéxica, nin a avaliación de impacto ambiental, nin a autorización ambiental integrada.

O referido documento ten por obxecto a protección do medio e, en especial, a protección civil fronte os incendios e as referidas normas eximen de autorización ambiental aqueles plans, programas, proxecto cuxo único obxectivo sexa a protección civil en casos de emerxencia.

Examinada, tamén, a Lei 27/2006, de 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente e, en concreto, os establecido nos artigos 16, 17 e 18 da referida norma tampouco se observa que os referidos documentos teñan que someterse as consultas públicas que sinala a esta lei para a súa elaboración, tendo en consideración que os documentos non inclúen ningunha disposición de carácter xeral -ordenanza- que obrigaría a observar ditos trámites.

O art. 21.1 da LPDIFG obriga ás persoas que conforme a esta resulten responsables, e nos espazos previamente definidos como redes secundarias de faixas de xestión de biomasa, a xestionar a biomasa vexetal na franxa legalmente establecida:



“(...) franxa de 50 metros:

- a) *Perimetral ao solo urbano, de núcleo rural e urbanizable, sen prexuízo do disposto na disposición transitoria quinta*
- b) *Arredor das edificacións destinadas ás persoas, vivendas illadas, urbanizacións, vertedoiros de lixo, cámpings, gasoleiras e parques e instalacións industriais situados a menos de 400 metros do monte*
- c) *Arredor das edificacións illadas destinadas ás persoas en solo rústico situadas a mais de 400 metros do monte”.*

Dispón o art. 22.1 da LPDIGFG que a execución da xestión da biomasa no ámbito das redes de faixas de xestión de biomasa, incluída, de ser o caso, a retirada de especies arbóreas prohibidas, debe levarse a cabo polos seu responsables antes de que finalice o mes de maio de cada ano, obriga que, segundo a DT3ª da Lei, opera nos termos expostos aínda que non se teñan definidas as redes secundarias de faixas de xestión da biomasa nos plans municipais de prevención e defensa contra os incendios forestais.

Á vista da imposibilidade de ter aprobado o documento íntegro do PMPDIF antes do prazo de esixibilidade daquelas obrigas legais, a fin de que os responsables poidan identificar as parcelas incluídas na rede secundaria de faixas de xestión de biomasa sobre as que debe levarse a cabo a xestión da biomasa e, no seu caso, achegar as alegacións que consideren pertinentes, considérase axeitado proceder á aprobación inicial do “documento de delimitación da rede secundaria de faixas de xestión da biomasa”, que tralo estudo e resolución das alegacións achegadas se incorporará ó documento definitivo do PMPDIF para o seu sometemento ó preceptivo e vinculante informe autonómico.

Por tanto, o “Documento de Delimitación de Redes Secundarias de Faixas de Xestión da Biomasa do Concello de Vigo” ten substantividade propia xa que concreta, en aplicación da LPDCIFG, os terreos que quedan incluídos nestas redes secundarias e nos que existe a obriga de xestionar a biomasa polas persoas que resultan responsables, polo que ao abeiro do artigo 83 da Lei 39/2015, de 1 de outubro, do procedemento administrativo común das Administracións públicas entendemos que procede sometelo ó trámite de información pública para que todos os interesados poidan formular as alegacións, observacións ou suxestións que estimen procedentes.

Deste xeito abrírase un prazo de información pública durante 20 días hábiles, a contar dende a publicación do correspondente anuncio no BOP de Pontevedra, co obxecto de que os responsables poidan identificar as parcelas suxeitas ás obrigas da LPFIFG e a fin de que as persoas que o desexen poidan formular alegacións, observacións e suxestións.

A tales efectos, o documento publicarase na páxina web do Concello de Vigo (<http://www.vigo.org>) e no seu Portal de Transparencia e estará a disposición do público en xeral nas dependencias da



Copia do documento - Concello de Vigo

Data impresión: 28/05/2019 10:22

Páxina 8 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Casa Consistorial do Concello de Vigo, sita na praza do Rei, 1, CP 36202, Vigo. Así mesmo, inxeriranse anuncios nos xornais locais para garantir a súa máxima difusión.

Todo isto, sen prexuízo doutras fórmulas de difusión do documento que se consideren necesarias e oportunas para garantir o seu xeral coñecemento e posibilitar a achega de alegacións.

Sen prexuízo da posterior remisión do documento íntegro do PMPDIF á dirección competente en materia forestal para a emisión de informe, daráselle traslado da resolución de aprobación inicial do documento de delimitación da rede secundaria de faixas de xestión da biomasa para o seu coñecemento e efectos oportunos.

3.5. Órganos competentes.-

O art. 16.4 da Lei 3/2007, de 9 de abril, de prevención e defensa contra os incendios forestais de Galicia (LPDIFG), atribúelle ós alcaldes a coordinación e xestión do planeamento municipal de prevención e defensa contra os incendios forestais. A elaboración, execución e actualización teñen carácter de obrigatorias, competencia do alcalde en virtude o art. 124.4.ñ) da Lei 7/1985, de 2 de abril, reguladora das Bases de Réxime Local.

De conformidade coa resolución de delegación de competencias do alcalde na Xunta de Goberno Local de data 19 de xuño de 2015, correspóndelle á **Xunta de Goberno Local** "a aprobación de calquera programa, plan, proxecto, campaña ou promoción de actividades e/ou servizos de competencia municipal (...)".

Mediante acordo da XGL de data 11 de outubro de 2018 atribuíuse ó concelleiro delegado da Área de Parques, Xardíns, Comercio, Participación Cidadá e Distritos a dirección e coordinación do proceso de elaboración e aprobación do plan municipal de prevención e defensa contra os incendios forestais. Así mesmo, mediante resolución de delegación de competencias da Alcaldía de data 12 de abril de 2019, o concelleiro delegado desta área ostenta as competencias de elaboración, coordinación e xestión deste planeamento.

Por todo exposto, propónse á Xunta de Goberno Local a adopción do seguinte,

ACORDO:

PRIMEIRO: APROBAR INICIALMENTE o "Documento de delimitación da rede secundaria de faixas de xestión da biomasa do Concello de Vigo", asinado polos técnicos competentes da entidade Cartoplan Atlántico, S.L. en data 6 de maio de 2019, por encargo da Concellería delegada da Área de Parques, Xardíns, Comercio, Participación Cidadá e Distritos ao abeiro do acordo da XGL de data 11/10/18.

SEGUNDO: SOMETER o "Documento de delimitación da rede secundaria de faixas de xestión da biomasa do Concello de Vigo", ó trámite de **INFORMACIÓN PÚBLICA** polo prazo de **20 DÍAS HÁBILES**, a contar dende a publicación do correspondente anuncio no BOP de Pontevedra, a fin de que as persoas que o desexen poidan formular as correspondentes



alegacións, observacións e suxestións. Isto sen prexuízo, no seu caso, da publicación de anuncios nos xornais locais a fin de garantir a súa máxima difusión.

TERCEIRO: PUBLICAR o **“Documento de delimitación da rede secundaria de faixas de xestión da biomasa do Concello de Vigo”** na na páxina web do Concello de Vigo (<http://www.vigo.org>), así como, no seu Portal de Transparencia, quedando, así mesmo, a disposición do público en xeral nas dependencias da Casa Consistorial do Concello de Vigo, sita na praza do Rei, 1, CP 36202, Vigo.

CUARTO: O **“Documento de delimitación da rede secundaria de faixas de xestión da biomasa do Concello de Vigo”**, será o documento de referencia aos efectos de que os responsables cumpran coas súas obrigas de xestión da biomasa conforme ao art. 21 e no prazo previsto no art. 22 da LPDIFG (antes do 31 maio de cada ano), esixible ex DT3ª LPDIFG. O incumprimento desta obriga poderá dar lugar á execución forzosa de forma subsidiaria polo Concello de Vigo e a cargo do obrigado que deberá abonar os custes da xestión, sen prexuízo do que resulte do procedemento sancionador.

QUINTO: DAR TRASLADO da presente resolución á Dirección Xeral de Ordenación Forestal da Consellería de Medio Rural a efectos do seu coñecemento e efectos oportunos.

SEXTO: COMUNICAR o presente acordo aos servizos municipais interesados, Área de Seguridade e Mobilidade, Área de Fomento, Servizo Municipal de Patrimonio, Área de Medio Ambiente e Vida Saudable, Xerencia Municipal de Urbanismo e á Concellería de Xestión Municipal.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,
Abel Caballero Alvarez.



Copia do documento - Concello de Vigo

Data impresión: 28/05/2019 10:22

Páxina 10 de 10

EXPEDIENTE 104_105

CSV: 2AE6CD-B9B85C-B9C3C2-FDENG M-EUBBJ7-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>